

num moribus laniatum obijſſe ſcribit laudatus *Valerius* (*lib. IX. c. 12. §. 4. Extern.*) & ſtatim addit, *Crudelitas fati tanto ingenio non debita.* Opinio autem poſt mortem tanta fuit, ut & Macedones in gloria loco prædicârint, apud ſe ſepulcrum illius eſſe (ut olim de ſede *Homeri* ſeptem urbes Græciæ certaverant) dicentes, Ουποτε σὸν μνήμα Ευεπίδης ὠλάτῳ πᾶς; & cùm legati ad eos ab Athenienſibus miſſi petiſſent, ut oſſa Athenasin terram illius patriam permitterent transferri, maximò conſenſu in ea re denegandâ perſtiterint. Notabilis eſt *Valerij* ſententia circa harum mortium hiftoriam occûpato: *Fine vitæ noſtra variis & occultis cauſſis expoſito interdum quadam immerentia ſupremi fati titulum occupant, cùm magis in tempus mortis incidant, quàm ipſam mortem accerſant,* quod nos Germani interpretari ſolemus vulgato illo dicterio, *Der Todt wil eine Urſache haben.*

Luctum Archelai quod attinet, ita de eod. *Oliverius ad Valerium:* Archelaus verò rex, auditâ tam indignâ morte Poëtæ (ſimile habemus in ſacris de recente ſeu muſteo rege Davide & per amicitiaſ ſpeciem tranſoſſo Abnere *II. Samuel. III.*) quamprimum juſſit capillos ſibi & barbam reſecari in ſignum doloris. Hæc nobis erit occasio vobis, diſcipuli, varios lugendi ritûs ſummatim heic recenſere, eosq; ex *Alexandri Neapolitani lib. III. Genial. dier. c. 7.* cujus verba hæc ſunt. Apud (1) *Spartanos* erat conſtitutum, ut, rege defuncto, equites obitum regis enunciantes curſitent, foeminaeq; crimibus paſſis & libero conqueſtu, tinnitu ollas pulſent æneas, quibus nec nocte nec die quies. Tunc, audito regis obitu, in omnem formam luctus concedi permiſſum erat, mulieresq; proximâ affinitate in veſte candidâ & capite aperto, ritu Romano ejulantes, funus celebrare; filij verò tecto capite in veſte pullâ parentes efferre conſuevere. Apud (2) *Græcos* foemina viriq; in candidâ veſte cum coronis ampliffimi viri exſequias proſequuntur, & velut in publico luctu complorant promiſcuè. Quod fuit in more (3) *Syracuſanis*, qui candido amictu velati & fronde coronati Timoleontem extulère, cui perpetuos honores atq; in foro ſepulcrum decrevère: ſicut (4) *Sicyonij* Aratum in veſte albâ & coronis ſepulcro intulère. (5) *Argivi*